


बच्चन के ले बाइबिल
देत है

यहेजकेल दर्शन देखन बालो आदमी



द्वारा लिखत: Edward Hughes

द्वारा चित्र: Lazarus
Alastair Paterson

द्वारा अनुकूल: Ruth Klassen

द्वारा अनुवाद करो गयो:

द्वारा बनाओ: Bible for Children
www.M1914.org

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



बहुत समय पहले तगतिबर सेनन ने यहूदा पर हमला करो, अउरु
परमेश्वर के बहुत से लोगन कौ बंदी बनाइके वापिस बाबुल देश मा
लाये। घर से दूरि, जई यहूदी कबार नदी के बगल मा
रहन लगे। उनमा से एकु परमेश्वर
को सेवक, भविष्यवक्ता
यहेजकेल हतो।




एक दिन, परमेश्वर ने यहजेकेल कौ एकु दर्शन दौ।
परमेश्वर की महिमा चारि उग्र प्राणिन के रूप मा, एक
साफु उजीते के रूप मा दिखानी। हरिएक के चारि चेहरा
अउरु चारि पंख हते। उनके ऊपर इंद्रधनुष सो रंगीन
उजीते से भरो एक सुंदर नीलमणि सिंहासन हतो। जब
यहेजकेल ने जउ देखो, वउ मुँह के बल गिरि गओ।



परमेश्वर ने यहजेकेल से बात करी “हम तुमईं इस्राएल के बच्चन के तीर पठउत हईं। बईं विद्रोही हईं, उनके लै मेरे इन वचनन कौ बोलउ।” किताब के रुप धारण करो एक हाथ दिखानो।


परमेश्वर न कही, “जा किताब का लील लेउ अउरु जाइके, इस्राएल के खानदान कौ जा बतावउ।” का अजीब हुकुम हतो! लेकिन यहजेकेल ने बात मानी, किताब कौ खाओ

अउरु
चलो
गओ।



परमेश्वर की आत्मा ने
यहेजकेल को उठाओ अउरु
कबार नदी के दूसरे किनारे
पर रहन वाले यहूदियन के
तीर लई गओ। बाने जो
देखो बासे हइरान हुइके,
जहां वइ बइठे हते होनइ
सात दिना के लै बइठि
गओ। तब परमेश्वर ने
यहेजकेल कौ एकु पहरेदारु
बनाओ। बाइ परमेश्वर
के हुकुमन के ना मानन
वाले दुष्ट लोगन कौ
चितउनी दीबे हती।






यहेजकेल ने परमेश्वर के हुकुमन कौ लोगन के लै साफु कन्न के कई अजीब तरकीबइ अपनाइं। बाने मट्टी के खपरैल के एक टुकड़ा पर यरूशलेम की तस्वीर खरोंची। हुइ सकति हुइ कि लोगन ने बाके कंधन पर यरूशलेम के चारउ घांइं एक शक्तिशाली सेना के चित्रन कौ खींचति देखो होइ। बउ दिखाउति हतो कि परमेश्वर के जा पवित्र शहर कौ जल्दअइ नाशु करि दौ जइही।



इस्राएल ने, उत्तरी राज्य मा, 390 सालन के लै परमेश्वर की बात नाइ मानी, अउरु यहूदा के, दक्षिणी राज्य मा 40 सालन से नाइ मानी हती। जेई बात हती कि इस्राएल कौ नाशु करि दौ गओ हतो अउरु यहूदा जल्दिअइ गिन्न वालो हतो। परमेश्वर ने यहेजकेल कौ बतायी कि लोगन कौ उनके पापन की यादि दिबाउन के लै 390 दिनन के लै अपनी बाईं, अउरु 40 दिनन के लै अपनी दाईं घाईं हुइके विश्राम करउ।






शायद लोगन ने यहजेकेल के बारे में सोचिबो शुरू करो हुइ कि जउ एक बहुतइ अजीब आदमी हइ। बाने बउ सबकुछ करो जो परमेश्वर ने बाई कन्न के लै कही हती। एक दिन, बाने अपने बारन कौ घुटबाओ अउरु बाके एक तिहाई कौ जराइ दौ। जा दिखाउन के लै कि जब बाबुल की सेना शहर पर हमला करिही तब यरूशलेम मा एक तिहाई लोग रोग अउरु अकाल से मरि जइहीं।



यहेजकेल ने अपने बारन की एक अउरु तिहाई कौ लौ अउरु तलवार से टुकड़ा टुकड़ा काटि डारो। जउ लोगन कौ दिखाउन के लै। कि एक तिहाई लोग दुश्मनन कि तलवारि से मरि जइहीं। अउरु आखिरी तिसरे भाग कौ, यहेजकेल ने हवा मा बिखराइ दौ। लेकिन समुझाउन के रूप मा बाने अपने कपड़ा के उपरी भाग मा कुछ बालन कौ सिल दौ जो दिखाउत हते कि परमेश्वर अपने कुछ खास लोगन कौ बचइहीं अउरु







उनई वाइदा के देश मा वापिस लइके अइहीं।




जा साहसी भविष्यवक्ता ने बंदी यहूदियन कौ बतायी कि
उनको हालु जाउसे बत्तर हुइही, अइसो अच्छो नाइ
जइसो वइ सोचत हते। लोग, यहैजकेल पर
बहुत गुस्सा भै, लेकिन बाने परमेश्वर के
संदेश कौ बतइबो चालू रखो। जब
बउ एक दिन इस्राएल के पुरिखन
के साथ बइठो हतो, परमेश्वर ने
यहैजकेल कौ एकु दर्शन
दिखाओ। दर्शन मा,
परमेश्वर ने बाके बारन
कौ पकरिके उठाओ
अउरु बाई यरूशलेम
के मंदिर मा
लइ गये।




मंदिर मा, परमेश्वर ने यहजेकेल कौ रीगन वाले जीव अउरु अशुद्ध
जन्तुन, अउरु मूर्तिन कौ दिखाओ। जइ सब परमेश्वर के मंदिर मा
कतइं नाइ हुइबो चंहिए हतीं।



परमेश्वर की पूजा के जगह अगुआ उन सब की पूजा कत्त हते। परमेश्वर ने यहजेकेल कौ जहो बतायी कि बाकी महिमा मंदिर कौ छोड़न जाति हइ अउरु जा मंदिर कौ नाशु करि दौ जइही। दर्शन समाप्त हुइ गओ, यहजेकेल ने जाके बारे मा यहूदियन का बतायी।







सब कुछ परमेश्वर ने कही हती वउ सांची हुइ गओ।
यरूशलेम कौ नाशु करि दौ गओ। बहुत से लोगन कौ
मउत के घाट उतारि दौ गओ। जब बाबुल मा बंदी
यहूदियन ने जा सुनी तब बई चकित भै कि कहूं
परमेश्वर ने उनई हमेशा के लै छोड़ि ता नाइ दौ।




लेकिन परमेश्वर ने अपने भविष्यवक्ता कौ
एकु अउरु संदेशो दौ बई सूखी हड्डिन से
भरी एक घाटी मा यहजेकेल कौ लइ गये—
इंसानन की हड्डिन की घाटी।




परमेश्वर ने यहजेकेल से पूछी, “हे इंसान की संतान, का जइ हड्डी ज़िन्दा हुइ सकती हंड?” यहजेकेल ने जवाब दौ, “हे प्रभु परमेश्वर, तुमइक पता हइ।” बेशक सूखी हड्डी दुबारा ज़िन्दा नाइ हुइ सकतीं हंड। यहोवा परमेश्वर ने कही “इन हड्डिन के लै भविष्यवाणी करउ, अउरु कहउ, ‘हे सूखी हड्डिअंउ’ यहोवा परमेश्वर को वचन सुनउ! तुम सब ज़िन्दा हुइ जाउ।” जब बाने हुकुमु मानो, तब यहजेकेल ने एक तेज शोरु सुनो। जाके बारे मा तुम का सोचत हउ?




भविष्यवक्ता जा देखिके चकित रहि गओ, जबकि देह के अनुसार हड्डी से हड्डी एक संग जुत्त गये।




फिर उन पर मांसु आइ गओ।




अउरु खाल ने उनइ झांकि लौ, लेकिन उनमा कोई सांस नाइ हती।



यहोवा परमेश्वर ने कही, “हे इंसान की संतान भविष्यवाणी करिके कहउ, सांस चारउ घाड़ से हवा किसी आइ जाई। इनमा सांस आबइ कि जइ ज़िन्दा होंइ।” जब यहजेकेल ने अइसो करो, तब उनमा सांस आइ गई अउरु वइ अपने पांइन पर ठाड़े हुइ गये। एक बड़ी महान सेना से अब वा घाटी भरि गयी हती।



परमेश्वर जा जन्त हते कि यरूशलेम के गिन्न से बाबुल मा यहूदी निराशा मा जिअत हंइ। परमेश्वर ने यहेजकेल से दर्शन मा एकु संदेशो पठौ। परमेश्वर ने कही, “जइ हड्डी इस्राएल को पूरो खानदानु हंइ हम तुम मा अपनी आत्मा डरिहीं, अउरु तुमइ तुमारेइ देश मा रखिहीं”।



परमेश्वर की तरफ से जउ एकु उम्मीद से भरो, एकु महान संदेशो हतो! यहैजकेल से करो भौ परमेश्वर को जउ वाइदा सांची हुइ गओ यहूदी लोग बादि मा अपनेइ देश मा लउटि आये। बइ जान्त हते कि प्रभु परमेश्वर ही उनइ उनके घरई लाए हंइ।

परमेश्वर को वचन
हमेशा सांची
होति हइ।



यहेजकेल दर्शन देखन बालो आदमी
परमेश्वर के वचन से बाइबिल की एक कहानी
में पायी जाती है

यहेजकेल

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

